

# საგზიელი




საორტული გაზეთი ხუთშაბათი 15 დეკემბერი 2005 №288 (2611)

ფასი 50 თეთრი

## გერმანულები, ნულები, ნულები...

## მილიონებზე რვენი ქვეყნისა, ზეარტდით!

საგზიელი  
ბიზნისი  
15 დეკემბერი 2005



ეს  
გაცი  
საქართველოს  
სჭირდება

ნელინადმი დაახლოებით 2 მილიონი ევრო — აი, მოთხოვნა, რომელიც გერმანელმა მწვრთნელმა კლაუს ტომპიოლერმა საქართველოს ფეხბურთის ფედერაციას ჩვენი ეროვნული გუნდის განვითარების სანაცვლოდ წაუყენა. თავად მწვრთნელი მილიონზეც თანახმა იქნება, თუმცა ფედერაციის პრეზიდენტ ნოდარ ახალკაცის თქმით, ნანსენები თანხის დანარჩენი ნაწილი ტომპიოლერის ასისტენტების ხელფასები და საყოფაცხოვრებო ხარჯები უნდა იყოს.

მოკლედ: კლაუს ტომპიოლერის სურვილმა ფედერაციის შესაძლებლობებს აშკარად გადააჭარბა და მწვრთნელის თბილისიდან გამგზავრების შემდეგ ყველა თითქმის ერთს ამბობს — ტომპიოლერი საქართველოსთვის დამთავრებული საქმეაო. ჩვენ ძალიანაც არ გვინდა, ვიფიქროთ, რომ ეს ასე იქნება, ქვეყნის პრეზიდენტისა და მთავრობის იმედად ვართ და... მით უმეტეს, ამ იმედს გვაძლევს კლაუს ტომპიოლერიც, რომელსაც წუხელ გერმანიაში დავუკავშირდით. მწვრთნელს საქართველოს ფეხბურთის ფედერაციასთან მოლაპარაკების დეტალები, რა თქმა უნდა, არ დაუკონკრეტებია, თუმცა, რაც გვითხრა, საკმარისია საიმისოდ, რათა ჩავთვალოთ — კლაუს ტომპიოლერს საქართველოში მუშაობა სურს და ფასდაკლებაზეც ყაბულსაა...

— თქვენი გერმანიაში დაბრუნების შემდეგ ფიქრობთ, რომ საქართველოს ფეხბურთის ფედერაციასთან მოლაპარაკება, ფაქტობრივად, დამთავრებულია?

— არა, ასე არ ვფიქრობ. საქართველოდან ძალიან კმაყოფილი დავბრუნდი.

— ითქვა, რომ თქვენ საქართველოს ფეხბურთის ფედერაციისგან არარეალური ანაზღაურება მოითხოვეთ...

— ჩვენ ერთმანეთს გარკვეული სურვილებით დავშორდით. მაპატიეთ, სხვა კომენტარს არ გავაკეთებ.

— როგორ ვიფიქროთ, მოლაპარაკება ჩაშლის პირასაა?

— არავითარ შემთხვევაში. ჩვენ შევთანხმდით, რომ საბოლოო პასუხს ერთმანეთს იანვრის პირველ ნახევარში ვეტყვი. იქამდე კი ჯერ საკმაოდ დროა.

— ერთიც...

— მაპატიეთ, სხვას ვერაფერს გეტყვით. გმადლობთ...

კობა ინასარიძე

**პრეზიდენტო, მთავრობავ,  
ბიზნესმენებო, ფედერაციავ:  
ჩაიბრუნეთ ეს მწვრთნელი  
საქართველოში სამუშაოდ.  
გვანახეთ ფეხბურთი, რომელიც  
კლაუს ტომპიოლერმა იცის**

უეფას თასი 2005-2006  
ჯგუფური ეტაპი. IV ტური



AFP სტრასბურგიდან

სტრასბური — ცრვენა ზვეზდა.  
მასპინძელი რიკარდო ფატი და სტუმარი ნიკოლა ჟიგინი

ტოპიოლარი გალკუს ტოპოტსეულია  
საქართველოს ნაკრებში თუ  
მხოლოდ კობიაშვილთან?

თბილისში ჩამოსვლა, თბილი სახე და ქართული ფეხბურთის პერსპექტიულობის აღნიშვნა ერთია, საქმე კი — მეორე კლასს ტოპიოლერსა და საქართველოს ფეხბურთის ფედერაციას შორის შეთანხმება პიპარად რომ არ მოხდებოდა, ეს კი ნათელი იყო, მაგრამ პერ ტოპიოლერის მიერ მოთხოვნილი თანხა გვარიანად ეძვირა ფედერაციას და, ისე ჩანს, მოლაპარაკების წარმატებით დასრულებას მოზრდილი კითხვის ნიშანი დაესვა.

ტოპიოლერმა თბილისშიც თქვა, სხვა წინადადებებს მაქვსო. ერთ-ერთი გერმანულმა ვებგვერდმა გუშინ გამოაქვეყნა — „შალკემ“, როგორც იცით, რაღფ რანგნიკის ნაცვლად „ხუმარების“ თავკაცად ოლივერ რეკი დანიშნა, თუმცა დროებით.


ბუნდესლიგის პირველი წრე კვირას მთავრდება და „შალკეს“ სიგარების მოყვარული მენეჯერი რუდი ასაუერი უკვე შეუდგა კანდიდატების ძებნას. აი, ისინიც: ჰუბ სტევენსი, ოტმარ ჰიცფელდი, კრისტოფ დაუმი, რენე ეიკელამპი, მათიას ზამერი, კლასუს აუგენტლერი და კლასუს ტოპიოლერი. ფავორიტები კი სტევენსი, ჰიცფელდი და ჩვენი ნაცნობი პერ კლასუსი არიან...

ლუკა თალაკვაძე



ბადრი კაბითაძის ფოტო

ბაიჩაძე თუთუბელუ:  
კატანეცის კატანეცია  
მან იცის, სად  
რამდენი მოითხოვოს



საქართველოს ფეხბურთის ფედერაციას კლასუს ტოპიოლერთან მოლაპარაკებები ჯერ არ დაუსრულებია და ამავე დროს სთავადართვო ვარიანტზე აქვს — სლოვენელი სრეჩკო კატანეცი. გუშინ კატანეცის აგენტ ბაიჩაძე თუთუბელუს დაუკავშირდა...

— კატანეცი და მე მზად ვართ, საქართველოში ჩამოვიდეთ და ფეხბურთის ფედერაციასთან მოლაპარაკება ვაწარმოოთ. თბილისში, სავარაუდოდ, მომავალ კვირაში ჩამოვალთ, თუმცა ჯერ ოფიციალურ მოწვევას ველით თქვენი ფეხბურთის ფედერაციიდან.

— ალბათ იცით, რომ ფედერაციასა და ტოპიოლერს შორის უკვე შედგა მოლაპარაკების პირველი რაუნდი...

— ისიც ვიცი, რომ ამ მოლაპარაკებაზე ფინანსური საკითხი პრო-

ბლემატური გახდა...  
— ფინანსური საკითხი კატანეცთან პრობლემატური არ იქნება?  
— მერწმუნეთ, რომ არა. საქართველოს ფეხბურთის ფედერაციაში იცინებ, დაახლოებით რა თანხაზე იქნება ლაპარაკი.

— შეგიძლიათ, თქვათ, რომ საქართველოს ფეხბურთის ფედერაციას კატანეცი გაცილებით იაფი დაუჯდება, ვიდრე ტოპიოლერი?

— მხოლოდ ერთს ვიტყვი: როცა საქართველოს ვარიანტზე ვესაუბრე კატანეცს, ფინანსურ საკითხს ის საერთოდ არ შეხებია, რადგან ავუსხენი, თუ რა ვითარებაა საქართველოში და რა შესაძლებლობები გააჩნია საქართველოს ფეხბურთის ფედერაციას.

— გასაგებია, მაგრამ ვერაფერ უარყოფს, რომ ასეთი სახის მოლაპარაკებისას ფული ძალიან მნი-

შვნელოვანი ფაქტორია...  
— დიახ, მაგრამ მე ვიცნობ საქართველოს, მყავს მეგობრები საქართველოში და ყველაფერი ეს ჩემთვის სულერთი ნამდვილად არ არის. მოკლედ, ნუ ინერვიულებთ, კატანეცისთვის ფული მთავარი არ იქნება.

— ასე ამბობდა ტოპიოლერიც, მაგრამ...

— ტოპიოლერი ტოპიოლერია, კატანეცი კი კატანეცია.

— და კატანეცმა საკუთარი თავის ფასი არ იცის?

— კატანეცმა იცის, რომ სხვადასხვა ქვეყანაში მუშაობისთვის სხვადასხვა ანაზღაურება უნდა მოითხოვო, ვთქვათ, რუსეთში მუშაობისას ის მოითხოვს ხუთ ევროს, საქართველოში კი ერთ ევროს. ის გონიერი კაცია.

ღამით თავართქილაკი

Table with football statistics for various groups (E, F, G, H) including team names, matches played, goals scored, and other metrics.

ინგლისი  
პრემიერლიგა  
გადაღებული მატჩები  
ვერტონი 1:2 ვესტ ჰამი  
მანჩესტერი 4:0 უიგანი  
ასოციაციის თასი. II ეტაპი  
ჰისტონი 1:2 ნანიტონი

ჰოლანდია  
ერედივიზიონი  
გადაღებული მატჩი  
ტილბურგი 0:1 უტრახტი

იტალია  
სერიე A  
გადაღებული მატჩები  
ნოვარა 3:0 ჯულიანოვა  
პრო სესტო 1:0 საგინადატევა

უკრაინა  
თასის 1/4 ფინალი. I მატჩი  
მიტალურგი (ზ) 3:0 კრივპანი

ბელგია  
იუპილერლიგა  
გადაღებული მატჩები  
გენტი 0:1 ვესტარლო  
ბრიუსელი 1:0 რუჰლარე  
ბაერსლოტი 3:1 ბევერენი  
ლუვიკი 1:1 ლოკერენი  
მუსკრონი 5:0 ლიერსი  
სტანდარდი 2:0 ანდერლახტი  
ვარეზემი 3:0 შარლერუა

გერმანია  
ბუნდესლიგა  
გადაღებული მატჩი  
ლაუტარნი 1:2 აინტრახტი  
II ბუნდესლიგა  
გადაღებული მატჩები  
ალაინი 1:3 ჰანზა  
ზაარბრიუკენი 5:1 დინამო

ამხანაგური მატჩი  
ზაგზა 1:1 კონგო დრ

ლეონი მოგვაძიო

გარკაშა...

ქართული საზოგადოებით მართლაც მეტი სიმეტად სოლიდური ანაზღაურება მოუთხოვია პერ კლაუსს. ამის მიუხედავად, საქართველოს ნაკრებში მისი გამთავარმწვრთნელობა მეტი სიმეტად მაცდური პერსპექტივაა საიმისოდ, რათა მასზე ხელაღებით ვთქვათ უარი და კონცენტრაცია კატანეც-თუთუმლუს ტანდემთან ან აქამდე ხსენებულ-უხსენებელ რომელიმე სპეციალისტთან მოლაპარაკებაზე მოვახდინოთ. ტოპმოილერი წლიურად (მენეჯერ-თანაშემწეების ხელფასებსა და სხვა წვრილმან ხარჯებს რომ თავი დაგვანებოთ) იმაზე მეტს ითხოვს, რაც საქართველოს ნაკრების 15-წლიან ისტორიაში ყველა მწვრთნელს ჯამში მიუღია.

და მაინც, ალბათ, ღირს ქაშის გაჭერაც, მთავრად მოდგომაც, თუ საჭიროა, ალილოზე ჩამოვლაც, რადგან... რადგან „ტოპია“ და მორჩა. თუ საქართველოს ნაკრებს დიდ საფეხბურთო ფორუმზე მოხვედრა უწყობს, ამის შანსი ტოპმოილერთან ერთად ყველაზე მეტია. თუ ეს საქმე მასთან ერთად არ გამოვიდა, ერთხელ და სამუდამოდ ის მაინც გვეცილინება, რომ ჩვენი წარუმატებლობა კვალიფიციური ფეხბურთელების დევიციტის, ცუდი ქომაგობის, უამინდობის ან სულაც ცუდად გაკრეჭილი ბალახის ბრალია, მაგრამ არა მწვრთნელის. სხვა დროს და სხვა ვითარებაში სრეჩკო კატანეცის სტუმრობას თბილისში ეგებ გაცილებით დიდი აუიოტაჟით და ენთუზიაზმით შევხვედროდით, მაგრამ არა ახლა, არა ტოპმოილერის სტუმრობის და მის მიერ ნათქვამი სიტყვების ფონზე: „გერმანია ან საქართველო. სხვაგან არ ვიმუშავებ“. საქართველო „ტოპისთვის“ გამოწვევაა, შანსია. რატომღაც მგონია, პერ კლაუსს ოტო რუპაკელის გზაზე გავლაც სურს. საქალბო ფეხბურთის ევერესტზე ნამყოფ სპეციალისტს თანამემამულის დარად ერთი პატარა (საფეხბურთო საზოგადოებით) ქვეყნის გმირობის ჭია ღრღნის. საქართველოში საამისოდ ევროპის ჩემპიონობა კი არა, ევროპის საუკეთესო 16 გუნდს შორის მოხვედრაც იქმარებს. რატომღაც არა?! მოდით, მიეცეთ კლაუს ტოპმოილერს და საკუთარ თავს შანსი. საამისოდ არც წარმოუდგენლად ბევრი, უნარიანად წარმართული მოლაპარაკებათა პროცესი და ერთი კარგი „ალილო“ იქნება საჭირო. **გიორგი ნოზაძე**



ბადრი კატილაძის ფოტო

საქართველოს ფეხბურთის ფედერაციის პრეზიდენტი ნოდარ ახალკაცნი ორ-სამ დღეში აპირებდა პრესკონფერენციის გამართვას და კლაუს ტოპმოილერთან დაწყებული მოლაპარაკების დეტალებზე საუბარს. გუშინ დილაადრიან სპორტული თუ არასპორტული მედიის მიპატიჟება ცუდად ამიტომაც გვენიშნა, ვაითუ, გერმანელთან მოლაპარაკებას წერტილი დაესვაო. არ ყოფილა მთლად ცუდად საქმე. ყოველ შემთხვევაში, ამგვარი დასკვნა გამოვიტანეთ ფედერაციის პრეზიდენტის ნაუბრიდან. გუშინვე სფფ-მ ხელისუფლებასთან სამუშაო შეხვედრები დაიწყო და ახალკაცს ეს შეხვედრა მედიასთან გარკვეულწილად ალბათ ფონის შესაქმნელადაც სჭირდებოდა — ტოპმოილერთან კონტრაქტის გაფორმების საკითხი ახლა ხელისუფლების კეთილ ნებაზე უფროა დამოკიდებული, ვიდრე უშუალოდ ფეხბურთის ფედერაციაზე...

# კლაუს ტოპმოილერის ორი მხარე: კონსერვატორი — ჰო, ფული — არა

— შეგვიძლია, რომ ნაკრების მწვრთნელის მოძიებასთან დაკავშირებული პროცესები გამჭვირვალე იქნებოდა. დღევანდელი პრესკონფერენცია კლაუს ტოპმოილერისა და მისი მეუღლის ვიზიტის შედეგების შეჯამებას ისახავს მიზნად. — ხაზგასმით უნდა აღინიშნოს, რომ ვიზიტი გაცნობიერების ხასიათის იყო. ბატონ ტოპმოილერს ჰქონდა ინფორმაცია რამდენიმე ქართველი ფეხბურთელის შესახებ, რომლებსაც ევროპაში კარგი რეპუტაცია აქვთ. სმენოდა ჩვენი ქრისტიანული ტრადიციების, კულტურის, სამხარეულოს შესახებ. თუმცა, მის მიზანს წარმოადგენდა, გამოეტანა დასკვნა: შეძლებს თუ არა ტოპმოილერების ოჯახი საქართველოში ცხოვრებას. გამგზავრების წინ პერ და ფრაუ ტოპმოილერებმა კმაყოფილებით აღნიშნეს, რომ სიამოვნებით იცხოვრებენ თბილისში. ყველაფერი გავაკეთეთ, რათა ამ დღეების განმავლობაში მათ ფუფუნებაში ეცხოვრათ. სტუმრების განწყობაზე გავლენა იქონია შუალაშის სამ საათზე განათებული თბილისის სილამაზემ, ჩვენმა ქრისტიანულმა ტრადიციებმა და მათდამი პიროვნულმა დამოკიდებულებამ. — ბატონმა ტოპმოილერმა შემდეგი პირობები წამოაყენა: თვეში 100 ათასი ევრო გადასახადების გარეშე და 500 ათასი ევრო პრემიის სახით ნაკრების ევროპის ჩემპიონატის ფინალურ ეტაპზე გასვლის შემთხვევაში. ამას გარდა, მას სურს, ჩამოიყვანოს თანაშემწე და ნაკრების მენეჯერი, რომელთა სამსახურიც წლიურად ასევე გადასახადების გარეშე 300 ათასი ევრო დაგვიჯდება. თუ ამას დავუმატებთ გერმანელი მწვრთნელის საქართველოში ცხოვრების, მგზავრობის და სხვა ხარჯებს, წლიურად მისი სამსახური დაახლოებით 2 მილიონ ევრომდე დაგვიჯდება. კლაუს ტოპმოილერმა განგვიცხადა, რომ ამ პირობებზე შეთანხმების შემთხვევაში აბსოლუტურად ბედნიერი იქნება. ახლა ჯერ ჩვენზეა. უნდა ჩამოვყალიბდეთ, რისი შეთავაზება

შეგვიძლია. ეს უნდა მოხდეს იმ პროგრამის გათვალისწინებით, რომლის განხორციელებასაც ხელისუფლებასთან ერთად ვგეგმავთ. მოგეხსენებათ, მწვრთნელის საკითხი ამ პროგრამის ერთ-ერთი და არა ერთადერთი ამოსავალი წერტილია. — ტოპმოილერის კონცეფცია ჩვენთვის მისაღებია, მის მიერ დასახელებული თანხები კი — არა. ტოპმოილერს უკვე ვუთხარით, რომ ჩვენთვის გაცილებით მისაღები იქნება ნაკრების ევროპის ჩემპიონატზე გასვლის შემთხვევაში მისთვის პრემიალური თანხის მნიშვნელოვნად გაზრდა სახელფასო მოთხოვნის შემცირების სანაცვლოდ. საორიენტაციო თანხა, რომელიც საქართველოს ფეხბურთის ფედერაციისთვის სავსებით მისაღები იქნებოდა, წელიწადში დაახლოებით ნახევარი მილიონი ევროა. თუმცა, შემოდისა გითხრათ, რომ ტოპმოილერის მიერ დასახელებულ ციფრებს არ გავუოცებდით. მწვრთნელი, რომელიც მსოფლიოს საუკეთესო 20 სპეციალისტს შორის სახელდება, 200 ან 300 ათას ევროს ნამდვილად არ მოითხოვდა. — ტოპმოილერმა იცის, რომ 19 დეკემბერს თბილისში სრეჩკო კატანეცი ჩამოდის. მას პირადი აგენტი ბაირამ თუთუმლუც ჩამოჰყვება. ეს ნორმალური ამბავია — თავად ტოპმოილერიც ერთდროულად რამდენიმე წინადადებას განიხილავს. რამდენიმე კვირის წინ მიიღო შეთავაზება „მონაკოდან“, სთავაზობენ სარფიან კონტრაქტს დუბაიში, თუმცა წასვლისას განაცხადა: თუ გერმანიაში არა, აუცილებლად საქართველოში ვიმუშავებო. — მცხეთაში ვანშაშზე ყოფნისას გერმანელმა სტუმარმა მესიჯი მიიღო. გერმანული ბუნდესლიგის სპეციალურმა სამსახურმა აცნობა, რომ „შალკეს“ მთავარი მწვრთნელის პოსტი თავისუფალია. არ არის გამორიცხული, ამ კლუბის ხელმძღვანელობამ სწორედ ტოპმოილერის მიწვევა განიზარახოს. — ქართული სპორტის მესვეურებმა, ხელისუფლების წარმომადგენლებმა ზოგადად იციან გერმანულ მწვრთნელთან ჩვენი საუბრების შესახებ. უკვე დღეიდან მათთან სამუშაო შეხვედრებს დავიწყებთ.

— კლაუს ტოპმოილერი გაეცნო ჩვენს ინფორმაციას. მივაწოდეთ ინფორმაცია და ღიად ვისაუბრეთ იმ გეგმების შესახებ, რომლებიც ამ მიმართულებით სახელმწიფო სტრუქტურებთან ერთად დავსახეთ. ეროვნული ნაკრების ტექნიკური ცენტრის გახსნის შემდეგ სტუმარმა სერიოზული ეჭვი გამოთქვა, ღირს თუ არა იქ ახალი ინვესტიციების ჩადება, რადგან ფაქტობრივად არ არსებობს გაფართოების შესაძლებლობა. ამ ეტაპზე ჩვენ განკარგულებაში „გოლი 2“-ის პროგრამით გამოყოფილი 400 ათასი ლოლარია და ეს თანხა მიზნობრივად სტანდარტული ზომის ხელფასურსაფარაიანი მოედნის მოწყობას უნდა მოხმარდეს, თუმცა „ბასაში“ ამის საშუალება ფიზიკურად არ არის — საამისოდ უდიდესი მოცულობის საშუალებაა ჩასატარებელი, ფერდობი ჩამოსაჭრელი და მიწა გასატანი. სრულფასოვანი ტექნიკური ცენტრის საცხოვრებელი ბლოკი მინიმუმ 100-150 ადამიანზე უნდა იყოს გათვლილი და 6 სტანდარტული ზომის მოედანი მაინც უნდა ჰქონდეს. პერსპექტივაში შესაძლოა ამ მიმართულებით სახელმწიფოსთან და კერძო ინვესტორებთან ერთად ამ პროექტის ხორცშესხმაზე ვიფიქროთ. ერთ-ერთ საკარგულად აღვივალ მცხეთას მოვაზრებთ. „არმაზის“ სტადიონის მახლობლად არის საამისოდ შესაფერისი ფართობი. თუკი პროექტი განხორციელდა, შესაძლებლობა მოგვეცემა, ყოველწლიურად ეუმასაინძლოთ ჭაბუკთა საკვალიფიკაციო ტურნირებს. ამას გარდა, ვიცი რუსული კლუბების განწყობა, რომლებსაც მოებზრდათ თურქეთი და სიამოვნებით მოაწყობდნენ შეკრებებს საქართველოში, თუკი საამისო პირობებს შევქმნით. სერიოზულად უნდა ვიფიქროთ ზღვისპირეთში, მათ შორის

გრიგოლეთში საფეხბურთო ინფრასტრუქტურის ადგიან-განვითარებაზე. ფედერაციის ახალი ტექნიკური ცენტრით სარგებლობის საშუალება, რა თქმა უნდა, ქართულ გუნდებსაც მიეცემა. — ეროვნული ნაკრების ტექნიკური ცენტრის დღევანდელი მდგომარეობა სავალალოა. შენობას არ გააჩნია სადრენაჟო სისტემა, მიწამ დაიწია. ვესაუბრე ნიკა ყიფიანს, რომელმაც მითხრა, რომ მისი ფირმის მიერ მინი-მოედნის მოწყობის წინ არ ჩატარებულა ასპროცენტაინი გეოლოგიური სამუშაოები და არის შანსი, რომ მიწა აქაც „ჩავარდეს“. ფილები ნაუცბათევეად არის დაგებული, უფრო ზუსტად, პირდაპირ მიწაზე დალაგებული და ყოველი მხრიდან ბალახია ამოსული. როდესაც მშენებლებს ვესაუბრე, მიპასუხეს, რომ ბლატერის ვიზიტის წინ აჩქარებდნენ და სხვაგვარად ამ სამუშაოების დასრულება ვერ მოესწრებოდა. საცხოვრებელი კორპუსი „ცინკით“ არის გადახურული და მწვანედ გადაღებილი, რათა მეტალოლასტმასის შთაბეჭდილება შექმნას. როდესაც საღებავი ასძვრება, ეს სახურავი სათბურის ეფექტს შექმნის. პირველი სართული სანახევროდ მიწაშია და კედლები მუდმივად ნესტანია. ფედერაციის ტექნიკური ცენტრი ყველა თანამედროვე მოთხოვნას უნდა აკმაყოფილებდეს, რათა იგივე არ განმეორდეს, რაც 19-წლამდელთა ევროპის პირველობის მასპინძელი ქვეყნის გარკვევისას. როდესაც ამ ტურნირის თბილისში გამართვის სურვილი გამოვთქვით, ბელგიელებმა იუარეს — ნამყოფები ვართ საქართველოში და სასტუმრში ვირთხები დარბოღნენო — თურმე ტაბახმელაში ჰყოლიათ დაბინავებული. მიუხედავად ნაკრების ტექნიკური ცენტრის ამგვარი მდგომარეობისა, სექტემბრამდე იქ მაინც უნდა მოვასწროთ ერთი მოედნის მოწყობა, რათა ნაკრებს ოფიციალური შეხვედრების წინ მინიმალური საკარჯიში პირობები მაინც ჰქონდეს.



მეტროში დიალოგი მოვისმინე:  
— ვახ, ნეტა, ვინ იქნება ჩვენი ნაკრების ტრენერი?  
— კარგი რა, ერთი ჩვენი ნაკრებსაც კატანეცი.  
მერე, სახლში რომ მივდი, ვერაფრით გავიხსენე, რა თქვა იმ  
კაცმა. არადა, ჯიუტი ვარ, რამე თუ ავიჩემე, მოვკვდები და გა-  
ვაკეთებ.  
...ჰოდა, რაო, რაო? კატა რაო? კატა, კატა... კატა რომელი, მი-  
აუს რომ ამბობს? დავიჯერო, მეტროში ასეთი მარტივი რაღაც  
მომენონა? პრინციპში, მეტროში სწორედ მარტივი რაღაც უნდა  
მოგენონოს, მაგალითად, „პოლიტექნიკურში“ ვაგონიდან გამო-  
სვლა რომ გინდა და გეპეის სტუდენტები გამოგატარებენ, მა-  
გრამ მაინც არ მჯერა, რომ კატა ჩვენს ნაკრებთან რაიმე კავში-  
რშია. ჩვენს ნაკრებთან უმალ 1998 წელს დაბადებული ფეხბურ-  
თელები იქნებიან კავშირიში, ვიდრე კატა.  
კატა, კატა... მგონი, ეგ კარატეშიც ნიშნავს რაღაცას, არა? აი,  
თუ არ ვცდები, რომ არ ჩხუბობ და ისე ვარჯიშობ ლამაზად, მო-  
წინააღმდეგის გარეშე. ჰო, ეგ შეიძლება ჩვენს ნაკრებთან კავში-  
რში იყოს, ეგ ჰგავს სიმართლეს, მაგრამ თითქოს რაღაც კიდევ  
იყო. მარტო კატაზე არ მთავრდებოდა ეგ ამბავი.  
ვითომ კატაობა? აი, ვინმეს რომ აკატავებ... ვთქვათ, გერმა-  
ნიიდან თბილისში ჩამოაკატავებ და მერე უკან გააკატავებ... ისე,  
უბრალოდ...  
კარგი, თუ არც ეს ვარგა, მაშინ იქნებ კატაკლიზმა ან კატარინა  
ვიტი?  
არც კატლეტი?  
და კატოკი?  
აი, რომელიმე გუნდი რომ მოვა და კატოკივით გადავივლის.  
ეგ უფრო შეიძლება ხომ?  
და შენ რომ გადაუვლი?...  
კაი, ბოდიში, ბოდიში, ეგეთ სისულელეს მეტს აღარ ვიტყვი.  
ვახ, და კატაბალახა?!.. ეს იგივე ვალერიანკაა, ცოტას დალევ  
და გული გიმშვიდდება, რამდენიც გინდა, მოგიგონ, აღარ ნერ-  
ვიულობ.  
ა, ვალერიანკა 0:3-ის ზემოთ აღარ მოქმედებს? მაშინ, ჰო...  
ვერიკა! მივხვდი! კატაკობა! აი, მინისქვეშეთში რომ მუშაობ,  
მტერს რომ თვალს უხვევ და ატყუებ... არა, კაცო, ფულში კი არა,  
ფეხბურთში.  
აა, არაქართულია?  
უკვე არაქართულია? გასაგებია.  
ჰოდა, აბა, მაშ რა კატა, რის ფეხბურთი, თუ ამ საქმიდან არა-  
ფერი გამოდის და რას გეტყვი, იცი: ერთი მაგ ფეხბურთსაც კა-  
ტანეცი. ან კიდევ უკეთესი, კატანეციც გავაკატაოთ, გამოვაკა-  
ტაოთ, გადავაკატაოთ და... ვინც დალია, ისე იმან დალიოს...  
უი, მგონი, მე თვითონ ნამომცდა ის სიტყვა, რომელსაც ვისს-  
ენებდი. ვაშა! კატალოგი!  
არა, კატასტროფა!  
არა, ეგ უკვე იყო, კატაფალკა! სანყალი ფეხბურთი, გახსოვთ,  
რა ბიჭი იყო, რას გვაგზავნიდა, როგორ გვახარებდა... მოდი,  
თითო ნაუჭიკით...  
თუ არა, კაცო, რას მივედ-მოვედები, ეგ კი არა, კატაპულტი!  
ატას, თავს უშველეთ ამ საგიჟეთიდან, ვისაც შეგიძლიათ.  
არა, არა, ისევე ამერია ყველაფერი. მოდი, ცოტა თქვენც დამ-  
ეხმარეთ და სამი ნერტილების მაგივრად შავი კალმით ჩანერეთ  
კატა...  
კატა...  
კატა...




გიორგი ქასრადე

ბოლნისის „სიონს“ ძნელი  
დროება დაუდგა — აწყობილ-გა-  
მართული გუნდი მეორე წრისთვის  
ძალიან სახეშეცვლილი იქნება. გა-  
მორიცხული არაა, „სიონი“ უფრო  
გაძლიერდეს, მაგრამ ჯერ საამისო  
არაფერი ჩანს და ასეც რომ მოხ-  
დეს, ყოველ ექვს თვეში ახალი  
გუნდის შენება ვერაფერი სიამოვნ-  
ებაა.  
„ლოლიდის, ბოლქვადის და ჩიკვი-  
ლაძის ამბავი უკვე იცით. ის ფეხ-  
ბურთელები კი, რომლებიც „დინა-  
მოდან“ განათხოვრებით გვყავდა აყ-  
ვანილი, ყოფილ გუნდს დაუბრუნ-  
დნენ. თუმცა ეს იმას არ ნიშნავს,  
რომ დვალი, კვიციანიშვილი, ხმალაძე  
და ქუცურუა უეჭველად წავლენ  
„სიონიდან“. მათი საკითხი ორ-სამ

დღეში გადაწყდება“ — გვითხრა  
„სიონის“ თავკაცმა ზვირაქაშვი-  
ვილმა.  
დანარჩენი სიონელები ისევე გუ-  
ნდში არიან და არსად წასვლას  
არ აპირებენ. ქასრადეშვილს თბილი-  
სის „ლოკომოტივიდან“ დათხოვნილ  
ფეხბურთელებზეც ვკითხეთ და მა-  
ნაც გვითხრა, ლამის მთელი შემა-  
დგენლობის გადმოყვანა გვსურს, ყე-  
ვლას ვერ შევწვდებით, მაგრამ  
„ლოკომოტივის“ ოთხი-ხუთი ფე-  
ხბურთელიც კი სერიოზულად გა-  
გაძლიერებსო.  
ამჟამად კი „სიონში“ 19-20 წლის  
გასასინჯი მოთამაშეები ვარჯიშო-  
ბენ და, ქასრადეშვილის თქმით, მათ-  
გან რამდენიმეს გუნდში აიყვანენ.  
ილია ნანობაშვილი

პნახოთ, პნახოთ, პნახოთ...  
ბორჯომის უპრეზა უპრეზაზე გადაწყდება

უმაღლესი ლიგის დებიუტანტი „ბორჯომი“ 25  
დეკემბერს შეიკრიბება და სამომავლო გეგმებსაც მა-  
შინ შეადგენს. სოსო ფრუიძის გუნდმა პირველი წრე  
მეხუთე ადგილზე ჩაამთავრა, რაც დებიუტანტისთვის  
ურიგო შედეგი არაა, თუმცა ბორჯომელებს მთლად  
დიდი კმაყოფილება არ ეტყობათ...  
„ბორჯომი“ ჯერჯერობით ერთმა ფეხბურთელმა  
დატოვა — რევაზ ჯიქია „ბათუმში“ გადავიდა. რატ-  
ომ ვერ ითამაშა ჯიქიამ „ბორჯომში“, როცა წინა  
სეზონში ქუთაისის „ტორპედოს“ ერთ-ერთი ლიდერი  
იყო?  
— რეზო შედარებით გვიან დავიმატეთ, გუნდი უკვე  
შეკრული იყო და, ვფიქრობ, მან თავისი შესაძლებ-  
ლობების გამოვლენა, უბრალოდ, ვეღარ მოასწრო —  
ასეთია სოსო ფრუიძის პასუხი.  
„ბორჯომი“ 25 დეკემბერს შეიკრიბებაო, ვითხარით  
და, სწორედ ამ დღეს გაირკვევა, რისი ამბიცია ექნე-  
ბა გუნდს მეორე წრეში. სეზონის წინ ტრანსფერე-  
ბში ხელგაწაფული კურორტელები ახლა პასიურო-  
ბენ და თუ რატომ, ამას ხელმძღვანელობასთან შეხ-  
ვედრის მერე გაეცემა პასუხი.  
— რატომ არ ვაქტიურობთ? როგორ ვითხარათ, აი,  
მაგალითისთვის „ლოკომოტივიდან“ წამოსული ფეხ-  
ბურთელები ავიღოთ — რამდენიმეს სიამოვნებით და-  
ვიმატებდი, მაგრამ მათი ფინანსურად დაკმაყოფილე-  
ბა ამ ეტაპზე არ შეგვიძლია — განგვიმარტა ფრუი-  
ძემ.  
„ბორჯომი“ ვარჯიშს თბილისში დაიწყებს. 8 იან-



სოსო ფრუიძე

ვრამდე სწორედ დედაქალაქში აიძალღებს ტონუსს  
და მერე ორკვირიან შეკრებაზე გაემგზავრება.  
— ბათუმში ან გრიგოლეთში გვიანდა შეკრების  
მოწყობა. ვნახოთ, რის საშუალებას მოგვცემს ფინან-  
სები — გვითხრა ფრუიძემ და ისიც დასძინა, გუ-  
ნდის ვეტერანი კაპიტანი იური გაბისკირია კარიერის  
დასრულებას ჯერ არ აპირებსო.  
ბახა ზალაგზბერიძე

ყვითლება დარსანია და ნაღირაძე  
მადლოებით გაისტუმრეს

თბილისის „ამერი“ ორმა ფეხბურთელ-  
მა დატოვა — კონსტანტინე დარსანია და ნიკა  
ნაღირაძე ამ კლუბის წევრები აღარ არიან.  
დარსანიას „ამერთან“ ექვსთვიანი კონტრაქტი  
დაუმთავრდა და ახლა ახალი გუნდის ძიებაშია,  
ნაღირაძეს კი „ყვითლებთან“ ხელშეკრულება 2008  
წლამდე აკავშირებდა, თუმცა მასზე ყველა უფლება  
უკვე გადაეცა აგენტ მამუკა ჯუღელს. როგორც  
შევიტყვეთ, სწორედ ჯუღელისა და „ტორპედოს“  
შეთანხმებით, ნაღირაძე მეორე წრეში ქუთაისელებს  
დაეხმარება.  
— „ამერი“ ორივე ფეხბურთელს მადლობას უხ-  
დის კლუბში გატარებული პერიოდისთვის და წარ-  
მატებებს უსურვებს — გვითხრა კლუბის გენერალ-  
ურმა მენეჯერმა ვახტანგ ბზიკაძემ.  
დარსანია-ნაღირაძის წასვლა ალბათ ბოლნისის  
„სიონიდან“ სამი ფეხბურთელის, დავით ბოლქვადის,  
თენგიზ ჩიკვილაძის და გრიგოლ დოლიძის შემატე-  
ვებამ განაპირობა. ბოლო ორი შუა ხაზის მოთამაშეა.  
ბახა ზალაგზბერიძე



კონსტანტინე დარსანია და ნიკა ნაღირაძე



კატა...

ბაკუნა კედია

P.S. ტრულაილას ფული რად უნდა?

**მკაცრად** ცხრილის შუაგულში — ასეთი ჩანდა „ბათუმი“ ჩემპიონატის დასაწყისში, ასეთია ახლა და, ალბათ, ასეთი იქნება მაისში, ფინიშიზე. თუმცა მარშანდელთან შედარებით ზღვისპირელებს რა უჭირთ, ფინანსებიც აქვთ, რიგთან ფუნქციონირებენც მოუწვდებათ ხელი, ბოლოს და ბოლოს გასვლით მატჩებზე ავტობუსში ბენზინის ჩასახმელად აქეთ-იქით არ დარბიან. ეს უკვე საქმეა? რა ვიცით, საქართველოს ჩემპიონატში უკვე საქმედ ითვლება...

„ბათუმის“ პირველკაცი სეზონის დასაწყისში ზურაბ ჯაფარიძე გახდა, რომელიც ადრე ბოლნისის „სიონს“ პატრონობდა. თუმცა კლუბის რეალური მფლობელი ირანელ-ინგლისელი ბიზნესმენი ალიდ-იდ ფარია, რომელიც ორიოდ თვის წინ იყო ბათუმში და ქართული ფეხბურთის ქება-დიდებას დაილა-ლა, გვინდა, ლეგიონერებითაც და-ვამშვენოთ „ბათუმი“. უცხოელებზე ჯერ არაფერი იხმის: ოთარ გაბელიას გუნდი უკვე დატოვა ლიდერთა მთელმა ჯგუფმა, თუმცა შევსება უფრო ძლიერი იქნებაო, ირ-წმუნებიან.

...დღეს ოთარ გაბელია, თუმცა „ბათუმს“ საწყის ზუთ ტურში ამი-რან გოგიტიძე წვრილიდა. გოგიტი-ძის ხელში ზღვისპირელებმა 7 ქულა აიღეს, მაგრამ ეს ეტყობა, „ისე რა“ შედეგად ჩაითვალა, „ლო-კომოტივთან“ საშინაო მარცხის შე-მდეგ გუნდში გაბელია მივიდა.

და ვერაფერი დებიუტი... „ბათუ-მმა“ გორში 0:2 წააგო „დილასთან“.

აჭარელები ცხრილის შუაში სტა-ბილურად კი ჩაბეჭდნენ, მაგრამ მათ თამაშს სტაბილურს ვერ და-არქმევ. აბა, რას მივაწეროთ ერთ-კვირიან მონაკვეთში შინ „ცხინვა-ლთან“ და მერე სტუმრად „ვიტ ჯორჯიასთან“ ერთნაირ შედეგს რომ აჩვენებ? იყო ალაგ-ალაგ გა-მონათებები, იგივე ვიტელების გა-მწარება, „ამერიისა“ და „ბორჯომ-ის“ ძლევა, თუმცა ამას წაგება ენა-ცვლებოდა ხოლმე და ერთ-ერთი ჩავარნილი თამაშის შემდეგ ოთარ გაბელიამ ასეთი რამ თქვა: „საქა-რთველოს ჩემპიონატში რომ ფეხ-ბურთელი ვერ ირბენს, იმან ან ბუ-ციები უნდა ჩამოკიდოს ლურსმან-ზე, ანაც ვეტერანთა ტურნირში ით-



# ბათუმი



მურაზ დოღულაშვილის ფოტოები



„ბათუმს“ პირველი წრე ამირან გოგიტიძემ დააწყებინა და ოთარ გაბელიამ ჩამთავრებინა

## არს არაპირს ვაეონაზი, არს თაპს ვუსრი არაპირს

ამაშოს. არიან ისეთები, რომლებ-საც სირბილი ეზარებათ და, სამწ-უნხაროდ, ისეთებიც არიან, სიხარ-მაცეს რომ ვერ დააბრალებ, მაგ-რამ არ შეუძლიათ თამაში. ამიტო-მაც ზამთრის შესვენებაზე ბევრ ფე-ხბურთელს დავემშვიდობებით“.

დაემშვიდობნენ კიდევ „ბათუმი“ დატოვეს ვიტალი დარჩიძემ, კახა სიღამონიძემ, ზაზა ზირაქიშვილმა, ვიზო ჯელაძემ, ნიკა გუშარაშვი-ლმა, ვიორგი მიქაძემ და ბესიკ თე-ლორიაძემ. შესაძლოა, ეს არასრუ-ლი სიაა, თებერვალში გუნდს კი-

დეც გამოაკლდეს ვინმე, შენაძენი კი ჯერჯერობით მხოლოდ ერთია — 24 წლის ფორვარდი რევაზ ჯიქია, რომელიც ოთარ გაბელიამ შარშან ამ დროს რუსეთიდან ჩაი-ყვანა ქუთაისის „ტორპედოში“, ამ ბიჭმაც გაამართლა და მარტო თბი-



მურაზ დოღულაშვილის ფოტოები

ირაკლი თოთლაძემ (მარჯვნივ) და მისმა თანაგუნდელებმა პირველი წრის ბოლო ტურში „ვიტ ჯორჯიას“ ქულა აართვეს

ლისის „დინამოს“ კარში გატანი-ლი გოლი რად ღირს. ვიქიამ პირ-ველი წრე „ბორჯომში“ გაატარა, მაგრამ სადღა იყო ქუთაისელი ვი-ქია, უმეტესად შეცვლაზე შედიო-და და ერთი გოლიც არ შეუგდია.

ამბობენ, „ბათუმში“ ითამაშებს დაშლილი „ლოკომოტივის“ რამდ-ენიმე ფეხბურთელი, მათგან ერთ-ერთის, როინ ონიანის გადაყვანა კი უკვე გადაწყვეტილიაო. ოთარ გა-ბელია ოცნების კოშკებს არ აგებს და ამბობს, წლეულს ევროტურნი-რებზე გასვლის ამბიცია ვერ გვიქ-ნება, მაგრამ არავეს ეგონოს, თით-ქოს ლიდერებს ქედს მოუწვრიოთ.

„ბეჭრი შენაძენი იქნება, თუმცა ადგილობრივ ფეხბურთელებზეც გა-ვაკეთებთ აქცენტს. ვეცდებით, ისე-თი გუნდი შევქმნათ, რომ მომდევ-ნო ჩემპიონატში მაღალი მიზნე-ბისთვის ვიბრძოდით. მეორე წრე სწორედ ბირთვის ჩამოყალიბებას დასჭირდება“ — გვითხრა გაბელი-ამ.

ვინ გამოვარჩიოთ საპირველწრეო „ბათუმიდან“? ალბათ, მეკარე ირა-კლი თოთლაძე, ვინაც ბოლო ტუ-რში, „ვიტ ჯორჯიასთან“ მატჩის ბოლო წუთზე პენალტი აულო და-ვით დიღმელაშვილს; ცენტრალუ-რმა მცველმა ნიკა გუშარაშვილმა ორი გოლი შეაგდო, მათ შორის ერთი „დინამოსთან“ და ასევე გი-ორგი მანწკავა, რომელმაც ერთი ხანობა ზედიზედ სამ ტურში მნიშე-ნელოვანი გოლები გაიტანა.

ამჟამად ჩანს, რომ „ბათუმს“ გა-საკუთრებით თავდასხმის ხაზში უჭირს. მიხეილ კაკალაძე ამჟამ-ად ვეღარ იბრუნებს ფორმას, მი-სმა მეწყვილე ზაზა ზირაქიშვილ-მაც მხოლოდ ერთი დასამახსოვ-რებელი თამაში ჩაატარა, როცა „თბილისს“ ჰეთ თრიქი შეუსრულა, თუმცა ზაზას ტრავმიანი პერიო-დიც ჰქონდა.

და კიდევ „ბათუმი“ უსახელოდ, ფოთის „კოლხეთთან“ ორივე წა-გებით ჩამოშორდა თასს. კიდევ უფ-რო ცუდი ისაა, რომ ბათუმის სტა-დიონზე კანტიკუნტად დადის გუ-ლშემატკივარი. 3ა-3ა, 400-500 მა-ყურებელი ამხელა ქალაქში ვერა-ფერი დასწრებაა...

რას ვიზამთ, ამას უკვე მივჩვი-ეთ თვალი...

ილია ნანობაშვილი

**პირველი ტური**

30 ივლისი, შაბათი  
ბათუმი 1:0 ბორჯომი

**მეორე ტური**

6 აგვისტო, შაბათი  
სპარტაკი 0:0 ბათუმი

**მესამე ტური**

20 აგვისტო, შაბათი  
ბათუმი 0:1 სიონი

**მეოთხე ტური**

28 აგვისტო, კვირა  
ტორპედო 0:1 ბათუმი

**მეხუთე ტური**

10 სექტემბერი, შაბათი  
ბათუმი 0:1 ლოკომოტივი

**მეექვსე ტური**

17 სექტემბერი, შაბათი  
დილა 2:0 ბათუმი

**მეშვიდე ტური**

25 სექტემბერი, კვირა  
ბათუმი 1:0 ამერი

**მერვე ტური**

1 ოქტომბერი, შაბათი  
ბათუმი 2:0 კოლხეთი

**მეცხრე ტური**

14 ოქტომბერი, პარასკევი  
სოხუმი 2:1 ბათუმი

**მეათე ტური**

22 ოქტომბერი, შაბათი  
ბათუმი 1:0 ახეთი

**მეთერთმეტე ტური**

31 ოქტომბერი, ორშაბათი  
თბილისი 1:3 ბათუმი

**მეთორმეტე ტური**

5 ნოემბერი, შაბათი  
ბათუმი 2:2 ზესტაფონი

**მეცამეტე ტური**


13 ნოემბერი, კვირა  
დინამო 3:1 ბათუმი

**მეთოთხმეტე ტური**

19 ნოემბერი, შაბათი  
ბათუმი 0:0 ცხინვალი

**მეთხუთმეტე ტური**

26 ნოემბერი, შაბათი  
ვიტ ჯორჯია 0:0 ბათუმი



ზაზა ზირაქიშვილი



- მეგობრები**
- 4 — ზაზა ზირაქიშვილი
  - 3 — ვიორგი მანწკავა
  - 2 — ნიკა გუშარაშვილი
  - 1 — ვიზო ჯელაძე
  - ვიორგი მიქაძე
  - მურთაზ ბურნაძე
  - მიხეილ კაკალაძე

**ბათუმი პირველ წრეში**  
15 თამაში, 6 მოგება, 4 ფრე, 5 წაგება, ბურთები 13:12, 22 ქულა



უეფას თასი 2005-2006. ჯგუფური ეტაპი. IV ტური

დაპირფი და კარელი მამაფილიოზა ჰამბურგში



არაა გამორიცხული, შვილმა დავიდ იაროლიშმა მამა კარელი დღეს გაამწაროს

Table with 4 columns: Group Name, Home/Away, Goals, Points. Groups A, B, C, D are listed with their respective teams and statistics.

ჰამბურგში ერთმანეთს მამა-შვილი შეხვდებიან — პრადის „სლავიას“ მწვრთნელი კარელი იაროლიშია, მისი ვაჟი დავიდი კი „ჰამბურგში“ თამაშობს. მასპინძლებს ფრეც ჰეფინით მეთექვსმეტედფინალში გასასვლელად. მეტოქეებმა ქულები თუ გაიყვეს, ხოლო „მონაკო“ სოფიის ცსკა-სთან არ დამარცხდა, მაშინ კარელს და დავიდ იაროლიშები შემდეგ ეტაპზე გავლენ. ბულგარელებს აუცილებლად სჭირდებათ გამარჯვება „მონაკოსთან“, რომელსაც ექვსი ქულით თავი ქულში აქვს. „ჰამბურგმა“ ბუნდესლიგის ბოლო ტურში „ჰერტას“ 2:1 მოუგო. მწვრთნელ თომას დოლს დღეს ორი რაფაელი, ვან დერ ვარტი და ვიკი არ ეყოლება. პრადელები შინ ტეპლიცეს 1:1 დაუზავდნენ, ხოლო „მონაკო“ „სანტს“ უგოლოდ გაეყარა. მონაკოელებს იტალიელი მეკარე ფლავიო

რომა, ურუგვაელი მეოთხე ხაგიერ ერნესტო ჩევერტონი, ბრაზილიელი მცველი დეგლას მაიკონი და ესპანელი ნახევარმცველი ზერარდ ლოპესი ტრავმირებული ჰყავთ. აღსანიშნავია, რომ „მონაკო“ და ცსკა ოთხჯერ შეხვდნენ ევროსარბიულზე და ბულგარელები ერთხელაც არ დამარცხებულან. ბარსელონაში „ესპანიოლი“ ფეთაქ თიკვას „მაკაბის“ დაუხვდება, რომელსაც უეფას თასზე აღარაფერი ესაქმება. ებრაულ გუნდს ქულაც არ აუღია და საინტერესო ისაა, შეძლებს თუ არა პრესტიჟის დაცვას. „ესპანიოლს“ უმოტივაციო „მაკაბის“ ძლევა აღბათ არ უნდა გაუჭირდეს, მაგრამ ბარსელონელები მეთექვსმეტედფინალს ფრითაც გაინადლებენ. მასპინძელთა მწვრთნელი მიგელ ანხელ ლოტინა და მცველი ფერნანდო დისკვალიფიცირებულინი არიან. დანიური „ბრონდბიუ“ პალერმოში

სამი ქულისთვის ჩავიდა, რადგან მოგებით თავს შემდეგ ეტაპზე დაიგულებს. ფრის შემთხვევაშიც აქვთ ვგუფიდან გასვლის შანსი დანიელებს, ოღონდ საამისოდ „მაკაბი“ „ესპანიოლი“ უნდა დაამარცხოს, რაც მეტად საეჭვოა. „პალერმო“ უხასიათობას არ უჩივის, რადგან შინაურ ჩემპიონატში „რომას“ სტუმრად 2:1 მოუგო, „ბრონდბიუ“ კი როიალ ლიგის მატჩში შინ „ლილესტრიომთან“ 0:1 დამარცხდა, ხოლო პრიმერადივიზიონში „ესპანიოლი“ ბეტისს უგოლოდ დაუხვდა. ბერლინში „ჰერტა“ ბუქარესტის „სტიაუსს“ უმასპინძლებს. ამ ორ გუნდს ვგუფურ ეტაპზე ჯერ გოლი არ გაუშვია. რუმინელებმა მეთექვსმეტედფინალში გაინადლეს, თუმც მათი პრეზიდენტის თქმით: „ურიგო არ იქნება, პირველი ადგილი რომ შევინარჩუნოთ, მაგრამ ეს ფეხბურთელთა განწყობაზეა დამოკიდებული. თუ მეორეზე გავალთ, ამისგან ტრაგედიას არ შევქმნით.“ „ჰერტას“ ფრეც ეყოფა უეფას თასზე გზის გასაგრძელებლად, რადგან „ლანსი“ „სამპდორიას“ მასპინძლობს და ერთ-ერთი ქულეებს დაკარგავს. „სამპდორიამ“ არ უნდა წააგოს ლანსში და გენუელები მეთექვსმეტედფინალში გავლენ, ხოლო ფრანგებს აუცილებლად გამარჯვება სჭირდებათ. მიდლსბრომში „ალკმარმა“ და „ლიტექსპა“ სამ ტურში მოასწრეს მეთექვსმეტედფინალის საგზურების განადლება. საინტერესო ისაა, თუ როგორ გადაანაწილებდა ზედა სამი ადგილი და გაუშვებს თუ არა გოლს „მიდლსბრო“, რომელმაც აქამდე კარი მშრალად შეინახა. პრემიერლიგელები ბულგარულ „ლიტექსპს“ უმასპინძლებენ და მეტოქეები აღბათ ვანს დაზოგავენ, ხოლო „ალკმარი“ უქულო „ვარასპოერს“ დაუხვდება — შვეიცარიელები მოგების შემთხვევაში „დნიპროს“ გადაასწრებენ და მხოლოდ ამითა თუ დაიმშვიდებენ თავს.

მამა ხუციშვილი

რუსულმა „ლოკომოტივმა“ ტუნისური „კლუბ აფრიკანიდან“ 23 წლის თავდამსხმელი დრამანე ტრანორე იყიდა. მალევე ფეხბურთელმა მოსკოველებთან ხუთწლიანი კონტრაქტი გააფორმა. იგი თავის ახალ კლუბს ნახალწლევს, 5 იანვარს შეუერთდება.

ზრანგულმა „პარი სენ ჟერმენმა“ რუსი სერგეი სემაკის „მარსელში“ განათხოვრება გადაიფიქრა. პარიზელებს მისი 2 მილიონ ევროდ გაყიდვა აქვთ გადაწყვეტილი. ყველაზე რეალური მსურველი ამჟამად მოსკოვის „დინამოა“, თუმც თავად რუს ფორვარდს საფრანგეთში დარჩენა ურჩევნია.

ესპანური და ფრანგული პრესა გვამცნობს, რომ მადრიდის „რეალი“ სერიოზულად განიხილავს კლუბის თავკაცის პოსტზე დიდი დემანის კანდიდატურას. შეგახსენებთ, რომ ახალგაზრდა ფრანგი სპეციალისტი „მონაკოდან“ წასვლის შემდეგ უმუშევარია. გამორიცხული არ არის, „სამეფო კლუბის“ პრეზიდენტმა ფლორენტინო პერესმა მალე მასთან მოლაპარაკებებიც დაიწყო.

ბრაზილიური ფეხბურთის ლეგენდა რომარიო შესაძლოა, დეპუტატი გახდეს. რიო დე ჟანეიროს შტატში მომავალ ზაფხულს საპარლამენტო არჩევნებია და მისი კანდიდატურის წამოყენებას სახალხო პარტია აპირებს. თავად რომარიოს ჯერჯერობით კომენტარი არ გაუკეთებია.

ისლანდიის წლის საუკეთესო მოთამაშე ზედიზედ მეორედ ვიდურ გუდიონსენი გახდა. ლონდონის „ჩელსის“ ფორვარდმა საგრძობლად გაუსწრო მეორე ადგილზე გასულ ჩარლტონელ ჰერმან ჰრეიდარსონს და მესამეადგილოსან გუნარ ტორვალდსონს, რომელიც შევედურ „ჰალმსტადში“ თამაშობს. „შესაძლოა, ეს ვიდულო ყოველ წელიწადს მომცენ, მაგრამ ჩემთვის მაინც დიდი პატივია და ძალიან მიხარია. თუმც ისლანდიური ფეხბურთისთვის აჯობებდა, მეტი კონკურენტი მყოლოდა“ — თქვა 27 წლის გუდიონსენმა.

იტალიური „უდინეზეს“ რომის „ლაციოს“ პერსპექტიული ნახევარმცველის, ვალონ ბეკრამის შექენა სდომებია. გამორიცხული არ არის, რომაელებმა ახალგაზრდა შვეიცარიელის სანაცვლოდ უდინელებს თავიანთი რამდენიმე ფეხბურთელი მოსთხოვონ. გავრცელებული ცნობით, მოლაპარაკებები უკვე დაწყებულია.

იაპონიის ნაკრების ნახევარმცველი კოჯი ნაკატა ფრანგული „მარსელიდან“ იერუსალიმის „ბეთარში“ გადავიდა. კონტრაქტის პირობები ჯერჯერობით უცნობია. აქვე შეგახსენებთ, რომ ცოტა ხნის წინ „ბეთარმა“ კიდევ ერთი ხმაურიანი ტრანსფერი გაჩარხა, როდესაც ფერომ ლერუსთან გააფორმა შეთანხმება.

რუსულმა ცსკა-მ, როგორც მოსალოდნელი იყო, ახალგაზრდა ბრაზილიელ ფორვარდ ჟოსთან გააფორმა კონტრაქტი. „კორინთიანსის“ ყოფილმა თავდამსხმელმა არმიელთა რიგებში, წესით, 5 წელიწადი უნდა გაატაროს. 18 წლის ფეხბურთელი თავის ახალ კლუბს 18 იანვარს, იტალიაში შეუერთდება, სადაც მოსკოველები ახალი სეზონისთვის მზადებას დაიწყებენ.

იტალიური „იუვენტუსი“ მიუნხენის „ბაიერნის“ ფეხბურთელების „დევნას“ აგრძელებს. ზაფხულში გადაბირებული რობერტ კოვჩისა და ცოტა ხნის წინ დაგულებული ვილი სანიოლის შემდეგ, ტურინელები მიხაელ ბალაკს ისევ მიუბრუნდნენ. მოგახსენებთ, ბალაკს მსურველები კიდევ მრავალ ჰყავს, მაგრამ თუ „იუვენტუსი“ მონიღომებს, დიდი შანსია, მან სწორედ „დელე ალპიზე“ გადასვლა გადაწყვიტოს.

ინგლისური პრესა ირწმუნება, რომ „მანჩესტერ იუნაიტედი“ კვლავ ცდილობს, სერბი მცველის, ნემანია ვიდიჩის ხელში ჩაგდებას და მზად არის, მოსკოვის „სპარტაკს“ 16 მილიონი ევრო გადაუხადოს. აღბათ, ამ შემთხვევაში რუსული კლუბი ულაპარაკოდ დათანხმდება ამ ტრანსფერს.

პორტუგალიური „ბენფიკას“ რუსი ნახევარმცველის, ანდრეი კარიაკის შექენა ორ რუსულ კლუბს, „დინამოსა“ და „ზენიტს“ სურთ. როგორც ამბობენ, სანკტპეტერბურგელთა შანსები უფრო დიდია. თავად კარიაკას სამშობლოში დაბრუნება მაინცდამაინც არ უნდა, მაგრამ ლისაბონელები მის გასხვისებას გეგმავენ.

იტალიური „ინტერი“ პარმელი ნახევარმცველის, მარკო მარკინისთვის ბრძოლაში ჩაერთო. დიდი შანსია, ნახევარმცველმა „ენიო ტარდინი“ იანვარშივე დატოვოს, მას კიდევ რამდენიმე მსურველი ჰყავს. „ინტერის“ მწვრთნელი რობერტო მანჩინი მარკინისადმი დიდი სიმპატიით ყოფილა განწყობილი.

ესპანური „რეალი“ ფრანგი ნახევარმცველის, ზინედინ ზიდანის ტრავმა სერიოზული არ ყოფილა. ზიდანი პრიმერადივიზიონის ბოლო ტურის მატჩში, „მალაგასთან“ დამარცხდა — მას მეტოქე გუნდის ფეხბურთელმა ბუცი ფენში გამეტებით ჩაარტყა. გუშინ ფრანგმა „რეალით“ ერთად უკვე ივარჯიშა.

იტალიური „იუვენტუსის“ მეკარე ჯანლუიჯი ბუფონი ისევ დამარცხდა — მან ერთ-ერთ ბოლო ვარჯიშზე ცერა თითი მოიტეხა და სამკურნალოა. „ახლა კი ნამდვილად ვერ ვიტყვი, თუ როდის დავბრუნდები. უკვე ფსიქოლოგიური პრობლემებიც მაქვს“ — განაცხადა ბუფონმა.

გერმანული „ბაიერნის“ ნახევარმცველმა სებასტიან დაისლერმა კლუბთან კონტრაქტი 2009 წლამდე გაახანგრძლივა. როგორც დაისლერის აგენტი გვამცნობს, მოლაპარაკებამ კლუბსა და ფეხბურთელს შორის, სულ რაღაც 15 წუთს გასტანა. ნაკონტრაქტეც, დაისლერმა და „ბაიერნის“ მმართველმა კარლ-ჰაინც რუმენიგემ ფაქტი თითო კათხა ბავარიული ლუდით „დაასვლეს“.

ესპანური „ბარსელონას“ არგენტინელი ფეხბურთელი ლეო მესი 2005 წლის საუკეთესო ახალგაზრდა მოთამაშედ დაასახელეს. გამოკითხვა იტალიურმა „ტურტოსპორტმა“ ჩაატარა. მეორე ადგილზე მანჩესტერელი უეინ რუნი გავიდა, მესამეზე — კილნიელი ლუკას პოდოლსკი.

# ვინ თქვა, არსენა მოკვდაო?



არსენ ვენგერს „რეალმა“ ზღაპრული ხელფასი შესთავაზა

ბოლო დღეებში მადრიდის „რეალმა“ მწვრთნელის ძიება გაააქტიურა და თან იმ ფორმებზე, რომელიც თითქოსდა დახურული ჩანდა — „არსენალს“ არსენ ვენგერში 15 მილიონ ინგლისურ გირვანქას სთავაზობს.

როგორც ცნობილი გახდა, „რეალის“ ვიცე-პრეზიდენტი ემილიო ბუტრაგენიო და „არსენალის“ შუვი დევიდ დინი ერთმანეთს პარასკევს შევიცარიაში, ჩემპიონთა ლიგის კენჭისყრაზე შეხვედებიან და ვენგერის საკითხზეც მათი დაილაპარაკებენ. მადრიდელი წყაროებიდან ცნობილი გახდა აგრეთვე, რომ „რეალი“ ფრანგ სპეციალისტს „სამეფო გუნდისთვის“ სარეკორდო თანხას, წელიწადში 5 მილიონ გირვანქას გადაუხდის და ასეთ გასამრჯელოს სამწლიანი თანამშრომლობისთვის მიიღებს.

„კარგად არის ცნობილი, რომ ფლორენტიანო პერესი ვენგერის დიდი თავყვანისმცემელია და არასდროს დაუკარგავს იმედი, რომ ერთ მშვენიერ დღეს მას „რეალში“ ჩაიყვანს“ — თქვა ინგლისურ პრესასთან მოსაუბრე „რეალის“ მავანმა მაღალჩინოსანმა. სხვათაშორის, იმავე წაერის ცნობით, პერესსა და ვენგერს სამი წლის წინ რამდენიმე საიდუმლო შეხვედრა ჰქონდათ კიდევ.

ბაბუნა კვიციანი



ალექს ფერგუსონის გუნდს ბრიტანული მედია უტევს

## ფერგიმ პრესკონფერენცია მიატოვა

სამ რეალს ფერგუსონმა სულ 74 წუთს გაძლო პრესკონფერენციაზე და მერე ოთახი მიატოვა. ეს იყო ჩვეულებრივი, წინასამატჩო პრესკონფერენცია კარინგტონის ბაზაზე.

ფერგი ოთახში შევიდა და თქვა: „მოკლედ გეტყვით, დრო ცოტაა“. მერე მან შეაქო „უიგანი“ და დაამატა: „ჯონ ოშის საზარდული სტკივა, მიკაელ სილვესტრი კი ფორმაშია. დანარჩენი სხვა დროს იყოს, ძალიან დაკავებული ვარ“. და, ოთახიდან გაეპარა.

საერთოდ კი მენეჯერს მიაჩნია, რომ მედია მისი კლუბის დანაკუწებას ცდილობს.

„მანჩესტერი“ — „უიგანი“ წუხელ გვიან ღამით გაიმართა „ოლდ ტრეფორდზე“.

ირაკლი ბაგჩიაშვილი

# ისევ სალტიკი და რიო რეალმა უკან დაიხია



რიო კინი მადრიდელმა „გალატაკოსებმა“ აქედანვე აითვალწუნეს

რიო კინის „რეალში“ გადასვლა ზღაპრული, გვამცნობენ. სარწმუნო წყარო ამბობს, რომ უახლოეს 48 საათში რიო გლაზგოს „სელტიკის“ კარს შეაღებს. თუმცა, „ბოლტონის“ ძალიან ცდილობს, რომ „მანჩესტერის“ ყოფილი კაპიტანი თავისთან იხილოს.

„რეალს“ უკან დაუხევია ორი მიზეზის გამო: ერთი, რომ ჩემპიონთა ლიგაში ვერ გამოიყენებდა კინს და მეორე, რომ თავად „რეალის“ ფეხბურთელებს დიდად არ მოსწონებიათ ეს ტრანსფერი.

ფლორენტიანო პერესს, „რეალის“ პრეზიდენტს რიო კინი მისი ხასიათისა და ლიდერის თვისებებისთვის უფრო უნდოდა, ამ ხასიათისა კი მადრიდელ ვარსკვლავებს ბევრი რამ არ ეპიტანავენ.

ირაკლი ბაგჩიაშვილი

„ჩარლტონის“ მეგობრულ ჯეი ბოტროიდი პოლიციამ დააკავა. 23 წლის ინგლისელი ორშაბათს ღამე „პორშეით“ ელექტრობოძს დაეჯახა. ეჭვობენ, რომ ფეხბურთელი ნარკოტიკით იყო „გაჟღენთილი“

## ბოტროიდი პოსპიტალში

„ის არაადეკვატურად იქცეოდა — განაცხადეს პოლიციაში — ავტომობილი გვარიანად დაიმტვრა, მაგრამ მოგვეჩვენა, თითქოს ბოტროიდს ეს არც გაუგია. დაშავებული არაა. მას მხოლოდ თვალები ჰქონდა გაფართოებული და უცნაურად იყურებოდა“.

კლუბის დირექტორმა პიტერ ვარნიმ თქვა: „ძალიან შემოთუბუნი ვართ. მას არც კი ახსოვს, რა და როგორ მოხდა. პოსპიტალში წაიყვანეს ნარკოლოგიურ გამოკვლევაზე“.

ვარნიმ ისიც აღნიშნა, რომ მსგავსი რამ, ანუ წამიერი გათიშვა ბოტროიდს ექვსი წლის წინაც დაემართა.

ბაბუნა კვიციანი



ჯეი ბოტროიდი

ალან სმიტმა „მანჩესტერ იუნაიტედის“ ფანებს ბოლიში მოუხადა, ჩვენ თქვენს იმელებს უულალატეთო. და, რა მიხვედრა უნდა, რომ საუბარი მანჩესტერელთა ჩემპიონთა ლიგადან გაეარდნას ეხება. ჩვენ შეიძლება უკვე მიგვაიწყდა, მაგრამ იქ, მანჩესტერში ჯერ კიდევ კარგა ხანს და მწარედ ეხსომებათ, რომ „იუნაიტედი“ ჯგუფში ბოლო ადგილზე გავიდა და შეჯიბრების მეორე ეტაპზე ათ წელიწადში პირველად ვერ მოხვდა.

თუმცა, ეს სრულებითაც არ ნიშნავს, რომ სმიტს პრემიერლიგაშიც გადაეწურა იმედი. პირიქით, ის დარწმუნებულია, რომ გუნდი სტრესს გადაიტანს და დაწინაურებულ „ჩელსის“ წამოეწევა.

„ახლა ჩვენთვის მძიმე პერიოდია. ჩემპიონთა ლიგაში დამარცხებიდან ცოტა დროა გასული და, თან ცვდილობთ წარუმატებლობის მიზეზებში, რაც შეიძლება, მალე გავერკვეთ. ჩვენს გასახდელში რომ შემოიხედოთ, დათრგუნულ ხალხს ნახავთ, მაგრამ ვიცით, რომ ამ მდგომარეობიდან მალე უნდა გამოვიდეთ. იმედგაცრუებულია ჩვენი გულშემოტიკივარი და იმედგაცრუებული ვართ ჩვენც.“

# მოდალატბთა რეპენა და იმედი

მარეობიდან მალე უნდა გამოვიდეთ. იმედგაცრუებულია ჩვენი გულშემოტიკივარი და იმედგაცრუებული ვართ ჩვენც.

ყველაფერში კი დამნაშავე ფეხბურთელები ვართ. ჩვენ უზარმაზარ ფულს გვიხდებიან და გვამხნევენ, ასე რომ, კრიტიკის მოსასმენადაც უნდა ვიყოთ მზად. ერთი სიტყვით, იმედგაცრუება მალე, ალბათ არ გავკვივლის, მაგრამ მის დასაძლევად მზად ვართ. რეალურად „მანჩესტერ იუნაიტედს“ შეეძლო ჩემპიონთა ლიგაში გაემარჯვა და თუ არ გაემარჯვა, ნახევარფინალში მაინც გასულიყო, მაგრამ ჩვენ ქომაგებს უულალატეთო.“

ცხადია, ყველას კარგად მოეხსენება, მაგრამ მაინც გავიმეოროთ, რომ ჯგუფში მეოთხე ადგილზე გასვლა, გარდა იმისა, რომ ამხელა გუნდისთვის შეურაცხყოფელი გახლდათ, პრაქტიკული თვალსაზრისითაც ცუდი იყო — „იუნაიტედი“



ალან სმიტმა „მანჩესტერის“ ფანებს მოუბოდიშა

უფას თასზეც ვერ გადავიდა. სამაგიეროდ, როგორც ზემოთ მოგახსენეთ, ალან სმიტი ინგლისის ჩემპიონატში გემავს ლიდერის წამოწევისა და მოტოვებას.

„ჩემპიონთა ლიგაში დამარცხების შემდეგ სიტყვები ბევრს აღარ ნიშნავს. ყველამ იცის, რომ გავბილ-

ბულები ვართ. ახლა, ყოველ შემდეგ მატჩზე ფიქრია მთავარი. არც ერთ ჩვენგანს ეჭვი არ ეპარება, რომ „ჩელსის“ გადასწრება შეგვიძლია. ამის რწმენა რომ არ გვქონდეს, ბრძოლასა და თამაშს აზრი აღარ ექნებოდა. ვიმეორებ, „მანჩესტერ იუნაიტედის“ გასახდელში არ არ-

სებობს არც ერთი ფეხბურთელი, რომელსაც ჩემპიონატი დამთავრებულად მიაჩნდეს და ჩემპიონის ვინაობა გარკვეული ეგონოს.“

და, ისევ „ბენფიკასთან“ მატჩის შესახებ. სმიტს ენა არ მოუტრიალდება, ის მარცხი ახალგაზრდა ფეხბურთელების გამოუცდლობას რომ დააბრალოს. ის ამბობს, რომ უკლებლო ყველა, ვინც ლისაბონში მოედანზე იყო, თავისი ქვეყნის ნაკრების ფეხბურთელია.

„ფაქტია, „მანჩესტერ იუნაიტედს“ „ბენფიკას“ დამარცხება შეეძლო, მაგრამ წააგო და ახლა ხალხი ფეხბურთელების მომავალზე ლაპარაკობს და ჩვენ ერთგვარი ზეწოლის ქვეშ ვართ, მაგრამ ვინაა ბოლო კვირების მანძილზე ჩვენ კარგად არ ვთამაშობდით? მეტსაც გეტყვით, თვით „ბენფიკასთანაც“ კი კარგად ვითამაშეთ, უბრალოდ, ორი სულელური გოლი გავუშვით. და კიდევ, გარწმუნებთ, რომ სერ ალექს ფერგუსონს ყველა ფეხბურთელი გვერდში უდგას“.

ბაბუნა კვიციანი

# საქართველოს 2005 წლის კლუბთა ჩაპიონატი

## ნახევარფინალი

ალ იტიპადი (საუდის არაბეთი) 2:3 სან პაულუ (ბრაზილია)  
 0:1 ამოროზო (16), 1:1 ნოორი (33), 1:2 ამოროზო (47), 1:3 როფერიო სენი (57), 2:3 ალ მონტაშარი (68)

ალ იტიპადი: ზაიდი, ა. ალ დოსარი (ალ პარბი 67), ტუკარი, აბუშევერი, ტრეკო, ხარირი, სოვედი (შაიდარი 64), ნოორი, ფალათაპი, კალონი, ალ მონტაშარი

მწვრთნელი: ანგელ იორდანესკუ

სან პაულუ: როფერიო სენი, სისინიო, ფაბაუ, ედვარდოსი, ჟენიორი, ლუგანო, მინიერიო, სოსუე, ალოიზიო (გრაფიტე 89), ამოროზო, დანილო

მწვრთნელი: პაულო აუტორი

გაფრთხილება: ალ დოსარი, დანილო, ტუკარი, ამოროზო, ლუგანო, მინიერიო, ალ პარბი

მსაჯე: ალან სარსი (საფრანგეთი)

31 510 მაყურებელი



მარსიო ამოროზომ „სან პაულუ“ ფინალში გაიყვანა

# მეკარა თუ მეგოლა?

ბრაზილიურმა „სან პაულუს“ საუდეთის „ალ იტიპადს“ მოუგო და მსოფლიოს საკლუბო ჩემპიონატის ფინალში გავიდა. მარსიო ამოროზომ დუბლი მიითვალა, ხოლო გუნდის თილისმამ — მეკარე როფერიო სენიმ პენალტი უზადოდ შეასრულა.

„სან პაულუს“ მეგოლემ ანგარიში კოხტა გოლით გახსნა: მკერდიდან დაშვებულ ბურთს დაჭრა, რომელმაც მცველისგან ასხლეტით გეზი იცვალა და დაბნეული მეკარე უძლეური აღმოჩნდა.

ამის შემდეგ სისინიოს შეეძლო სხვაობის გაზრდა, მაგრამ მომენტი ვერ გამოიყენა. სამაგიეროდ, არაბებმა იხელთეს და გაათანაბრეს. როფერიო სენის მოგერიებულ ბურთს „ალ იტიპადის“ კაპიტანმა მოჰამედ ნოორიმ საგოლედ დაამატა.

მეორე ტაიმის დაწყებიდან ორ წუთში მარსიო ამოროზომ „სან პაულუს“ კვლავ დაწინაურა, მან ამჯერად სისინიოს პასით იხეირა. მოგვიანებით არაბებმა საჯარიმო-

ში ალოიზიო საპენალტედ წააქციეს, რომელიც როფერიო სენიმ შეასრულა. სენი 16 წელია, რაც „სან პაულუსში“ თამაშობს და ეს მისი 53-ე გოლი გამოდგა.

68-ე წუთზე აზიის 2005 წლის საუკეთესო ფეხბურთელმა ჰამად ალ მონტაშარიმ კუთხურიდან ჩაწოდებული ბურთი მეტოქის კარში შეაბრძანა და სხვაობა შეამცირა. არაბებმა გასათანაბრებლად გაიწიეს, მაგრამ ბრაზილიელებმა იყოჩაღეს და ანგარიში შეინარჩუნეს.

მეორე ნახევარფინალი დღეს იოკოჰამაში გაიმართება — ევროპის ჩემპიონთა თასის მფლობელი „ლივერპული“ კოსტა რიკის „დეპორტივო საპრისას“ შეხვდება.

„ჩვენთვის მნიშვნელოვანი ტურნირია, რადგან „ლივერპულს“ მხოლოდ ეს ვიღყო არ მოუგია — განაცხადა რაფაელ ბენიტესმა. სტივენ ჯერარდი ფორმაშია, ხოლო სემი ჰიპიასა და ჯეიმი კარაგერის თამაში საეჭვოა.

ვაჟა სუციფილი



როფერიო სენიმ პენალტი, რა თქმა უნდა, შეაგდო

# ჰიონესის ნადავალი დოს სანტოსი ეჭიმს ჩაპიონატს

მიუნხენის „ბაიერნი“ პარაგვაელი ხულიო დოს სანტოსის ყიდვას აპირებს. ასუნსიონის „სერო პორტენოსა“ და ნაკრების 22 წლის ნახევარმცველი ახლა გერმანიაშია და სამედლიცინო შემოწმებას გადის. ტრანსფერი თუ მოგვარდა, დოს სანტოსი მიხაელ ბალაკის ადგილს დაიკავებს, რომელიც სეზონის ბოლოს გუნდიდან აპირებს წასვლას.

„ბაიერნის“ მენეჯერი ული ჰიონესი პარაგვაიში ფეხბურთელის სანახავად იყო ჩასული და მისი თამაშით მოიხიბლა. „ის ნაკრების მე-10 ნომერია და ბალაკის შეცვლას შეძლებს“ — განაცხადა ჰიონესმა.

ტრანსფერი თუ შედგა, გერმანულ კლუბს ხულიო დოს სანტოსი დაასლოებით ორნახევარი მილიონი ევრო დაუჯდება, თუმცა „ბაიერნს“ ორი პრობლემის გადაჭრა მოუწევს — საქმე ისაა, რომ დოს სანტოსს წინასწარი კონტრაქტი ჰქონდა გაფორმებული ესპანურ „კადისთან“, რომელიც კომპენსაციას მოითხოვს. გარდა ამისა, პარაგვაელი მეხუთე არაევროკავშირელი იქნება გუნდში,



ხულიო დოს სანტოსი „ბაიერნმა“ მიხაელ ბალაკის შემცვლელად შეიგულა

ერთდროულად თამაშის უფლება კი ოთხს აქვს. ამას, ალბათ, მალე მოაგვარებენ, რადგან დოს სანტოსს ესპანური „ფესვი“ აქვს და პასპორტს დაუბრკოლებლად აიღებს.

„ცნობილ ევროპულ კლუბში გადასვლა ბევრი ფეხბურთელის ოცნებაა და ვცდები, ეს შანსი გამოვიყენო“ — თქვა მიუნხენში ახალჩასულმა ხულიო დოს სანტოსმა.

ვაჟა სუციფილი

# ჭკვიანი სუანი

მადრიდის „რეალის“ ინგლისელი ნახევარმცველი დევიდ ბექემი ამბობს, რომ გუნდის დროებითმა მწვრთნელმა ხუან რამონ ლოპეს კარომ თავისი ტაქტიკური განათლებით გააკვირვა. თავიდან, ინგლისის ნაკრების კაპიტანს თანამდებობიდან გაშვებული ვანდერლუი ლუშემბურგოს მაგივრად ლოპეს კაროს, თუნდაც ერთი თვით დანიშნა ძალიან გაკვირვებია, მაგრამ ახლა, როდესაც ეს ადამიანი საქმეში ნახა, მოუნდა, რომ იგი სეზონის ბოლომდე დარჩეს.

„იმ სამ წელიწადში, რაც მადრიდში ვარ, ექვსი მწვრთნელი გამოვიცვალე, მაშინ, როდესაც „ოლდ ტრეფორდზე“ 15 წლის განმავლობაში მხოლოდ ერთი ადამიანი მუშაობს. ამით იმის თქმა მინდა, რომ ის, რაც „რეალში“ ხდება, ჩემთვის უცხო და უჩვეულო ვითარებაა. რაც შეეხება ახლანდელ დროებით მწვრთნელს, იგი აშკარად გონიერი და თავისებური ადამიანი ჩანს. ვნახოთ, რა მოხდება. მე იმედი მაქვს, რომ ის ნავარაუდევზე მეტხანს დარჩება თანამდებობაზე. მისი ვარჯიშები შთაბეჭდავია და ის ტაქტიკაში მეტისმეტად ძლიერი ჩანს. ხუან რამონ ლოპეს კარო მეორე გუნდიდან მოიყვანეს, სადაც ესპანელ ფეხბურთელებთან მუშაობდა. მისი ნიჭი და უნარი კი „მალაგასთან“ შეხვედრაში გამოჩნდა. მწვრთნელი ისე გვაგვარჯიშებს, რომ უახლოესი რამდენიმე თამაშის განმავლობაში ალბათ, ცოტა დადლილები გა-



ხუან რამონ ლოპეს კაროს ჩერჩვრობით აქებენ

მოჩნდებით, მაგრამ ეგ არაფერი, რადგან ვიცი, ასე შედეგი იქნება. მე სწორედ ასეთი ვარჯიში მინდოდა და მაკლდა.“

ვაჟა სუანი


# გალეზილის მუქარა ალტინტოვს მთვრალი გადაეყარა

„კაიზერსლაუტერნის“ ლეგიონერ პალილ ალტინტოვს სიკვდილით დაემუქრნენ, 23 წლის თურქი ერთ-ერთი გამორჩეულია „წითლებში“, მაგრამ გუნდი ამ სეზონში ბუნდესლიგადან გავარდნის მთავარი კანდიდატია.

მოკლედ, ალტინტოვი ქუჩაში მიდიოდა, როცა მავანმა გამადარმა ფანმა მისკენ გაიწია, მაგრამ ფეხბურთელი მტერს გადაურჩა.

„ის ნახვამი იყო და მომახალა, რომ ჩემი მოკვლა სურდა. ემოციები ფეხბურთის ნაწილია, მაგრამ საზღვარიც არსებობს, რომელსაც არ უნდა გადააბიჯო“.

ჰალილ ალტინტოვს კონტრაქტი მომავალ ივნისში ეწურება და სავარაუდოდ, „მალკემი“ გადავა.



ჰალილ ალტინტოვს მოკვლით დაემუქრნენ

ვაჟა სუციფილი



# პანდარლავი ლუზემბურგო: მაინც იბრუნებს გავაქვითვას

**ვანდერლავი ლუშემბურგო მადრიდის „რეალში“ გატარებული 11 თვის შემდეგ ისევ სამშობლოს უბრუნდება. ესპანური და ბრაზილიური გაზეთების ცნობით, ოკეანისგალმელ სპეციალისტს მისი ყოფილი კლუბიდან, „სანტოსიდან“ დაუკავშირდნენ და ლუშემბურგოც მომავალ ორ სეზონს სავარაუდოდ, ამ გუნდში გაატარებს.**

**ვანდერლავი ლუშემბურგოს გუშინ მადრიდულმა „ასმა“ ინტერვიუ ჩამოართვა, რომლის თარგმანსაც ქვემოთ გთავაზობთ**



„რეალის“ შესახებ რას ფიქრობ, რას ეტყვი?

— ვეტყვი, რომ რეალში უდიდესი გამოცდილება შემიძინა. ინტერვიუ გასაუბრებელი „ბერნაბეუზე“ თამაში შესანიშნავი, ბრწყინვალე სპექტაკლის მსგავსია.

— რობინიოზე რა აზრის ხართ? მას უთქვენოდ შეიძლება გაუჭირდეს...

— რობინიო მალე თავის თამაშს დახვეწს და მსოფლიოს საუკეთესო თავდამსხმელი გახდება.

— მაგრამ, მის უფერულ თამაშს როგორ ახსნით?

— რობინიომ „რეალში“ გადმოსვლამდე ბოლო ერთი თვე „სანტოსთან“ ვაჭრობაში გაატარა და დროის ამ მონაკვეთში არ უვარჯიშია. ბრაზილიდან პარდაპორ მადრიდულ გრანდში მოვიდა, ისე რომ, სეზონის წინა სამზადისი საერთოდ არ ჰქონდა გავლილი. მიუხედავად ამისა, „კადისთან“ მისი თამაშით ინტერვიუები ძალიან მოიხიბლნენ. ყველა ფიქრობდა, რობინიო ბოლომდე ასე იბურთავებსო, მაგრამ...

— არ გეწყინთ, როცა ლოპეს კაროზე, როგორც თქვენზე მკაცრ და მომთხოვნ მწვრთნელზე ისე ლაპარაკობენ?

— მეცინება, როდესაც ეს მესმის. გაიხსენეთ, „რეალში“ რომ მოვედი, მეც ურჩხულად წარმომახეს, მაშინ ამბობდნენ, ლუშემბურგო ფეხბურთელებს ვარჯიშით სულს ამოხდისო. ეს ფეხბურთის თანამდევია „ჰორბიუროა“ და მთავრად ხმებზე ყურადღების მიქცევა არ ეგების. ლოპეს კაროს შეუძლია, ჰორებს ყური არ უგდოს და პრიმერადივიზიონი და ჩემპიონთა ლიგა მოიგოს. ვგონებ, ახალი დამრიგებლის საქმე ჩემნაირად არ წარიმართება.

— ისევ რომ მოგვეცეთ ესპანეთში დააბრუნების შანსი, რომელ გუნდს აირჩევდით?

— მაინც „რეალს“, რათა დამემთავრებინა ის, რაც დავიწყე. არ მიყვარს საქმის სანახევროდ მიტოვება. საკუთარი თავის დიდი იმედი მაქვს.

— „რეალიდან“ რომელიმე ფეხბურთელის ბრაზილიაში წაყვანა რომ შეგეძლო?

— ასეთი მხოლოდ რობინიო იქნება. მას დაუყოვნებლივ დააბრუნებდი სამშობლოში.

— ესპანელებიდან?

— ალბათ ისევ სერხიო რამოსს. ეს მცველი ჩემ გუნდში მუდმივად ძირითად შემადგენლობაში იქნებოდა.

— ფეხბურთელებს როგორ გამოთხოვთ?

— ჩვეულებრივად. ბიჭებსაც და ვემშვიდობე და „რეალის“ ფანებსაც. ფეხბურთელებს უთხარი, რომ ყველაფერი კარგად იქნება.

— როგორ ფიქრობთ, პრეზიდენტ პერესის საბჭომ თქვენი მოხსნა მაინც რატომ გადაწყვიტა?

— ეს თავად ახსნან. მე კი „რეალში“ მოსვლა თავიდან რომ მომიწიოს, ისევ იმ ტაქტიკას ვაგვეუბოდი. მეგონი, საკმაოდ გამოცდილი ვარ იმისთვის, რათა მოედანზე გადაწყვეტილებები მე მივიღო და არა ინტენსივობა. გულშემატკივრის აზრს ვაფასებ, თუმცა მოედანზე ვითარებას მწვრთნელი უნდა აკონტროლებდეს.

— „ლიონთან“ ჩემპიონთა ლიგის მატჩი გავისხენოთ: გუნდი „ბარსასთან“ წაგებით დათრგუნული იყო, თქვენ კი დევიდ ბექჰემის ნაცვლად მიჩელ სალგადო გამოიყვანეთ...

— ეს იმიტომ გავაკეთე, რომ იმ თამაშში სამი ბურთის გატანა უკვე შეუძლებელი გახლდათ. ბექჰემის შეცვლა ტყუილბრალად არ მომხდარა.

— შემდეგ უკვე „სოსიედადთან“

0:2-ს აგებდით. „რეალმა“ ანგარიშის გათანაბრება ბოლო წუთებზე ძლივს მოახერხა...

— იმ მატჩში უკვე პირველსავე ტაიმში უნდა შეგვედრო სამი ბურთი. უბრალოდ, არ გავიმართლა.

— და, ამის მერე თქვენ განაცხადეთ, „რეალი“ წლეულს ჩემპიონი გახდებაო, რატომ?

— ეს იმიტომ ვთქვი, რომ სამი კვირა მქონდა დარჩენილი, რათა ინფორმაციას გუნდს მოემზადებინა. ასეთი რამ აგვისტოს შემდეგ არ მომხდარა. ფეხბურთელების სავარჯიშოდ სრულად მოგროვება ზაფხულის მერე 10 წუთითაც ვერ შეეძლო. იანვრამდე კი დარჩენილ შვიდ მატჩში „რეალს“ სულ ცოტა, 18-19 ქულა უნდა აეღო.

— ცალკეული ფეხბურთელების თაობაზე „ზემოდან“ ხომ არ იყო მითითება, მოედანზე რომელი უნდა გამოგვეყვანათ?

— არანაირად. არიგო საკის ვეთაობიერებოდი-ხოლმე, რადგან უზარმაზარი გამოცდილება აქვს. თუმცა კონკრეტულ თამაშში, ვინ სად უნდა დამეყენებინა, მხოლოდ ვწყვეტიდი.

— თვლით, რომ ცუდ შედეგებს შეეწირეთ?

— არ ვიცი, ეს სხვებს უნდა ჰკითხოთ. ისე, თავის დროზე „კორინთიანსში“ რომ მივედი, პირველი ხუთი თამაში ზედიზედ წავაგე.

— და მაინც, კონტრაქტის განახლება შემოგთავაზეს...

— დიახ, მაშინ ბრაზილიურ გუნდთან ხელშეკრულება გავაგრძელებდი.

— ხომ არ ნანობთ, ძირითადი აქცენტი ზიდანზე, რაულსა და სხვა „გალაქტიკოსებზე“ რომ გადაიტანეთ მაშინ, როცა შეგეძლოთ, თავის გამოჩენის შანსი სხვებსაც ჰქონოდა?

— ახლა გვიანია რაიმე სინანულზე ლაპარაკი. როცა „რეალში“ დამნიშნეს, გარკვეული გეგმა მქონდა, რომელიც ყველამ იცოდა. ცუდ შედეგებში დამნაშავეები მარტო მწვრთნელები ან მარტო მოთამაშეები კი არა, ყველა ერთად ვართ.

— ფლორენტინო პერესს როგორ დაახასიათებდით?

— მასთან კარგი ურთიერთობა მქონდა. მან იფიქრა, რომ ჩემი მოხსნა „რეალს“ სასიკეთოდ წაადგებოდა, ჰოდა, მომხსნა. მეტს ვერაფერს გეტყვით.

— ახლა რომ ვინმემ გკითხოთ,



— „სანტოსმა“ მწვრთნელობა კვლავ შემოგთავაზათ...

— დიახ, ჩემი ყოფილი გუნდიდან წინადადება მივიღე, თუმცა საბოლოოდ ვერ არაფერი გადამიწყვეტია. ახლა „რეალთან“ რაღაც საკითხები კიდევ უნდა გავარკვიო. ისე კი, ჩემი მომავალი ალბათ მაინც „სანტოსს“ დაუკავშირდება.

— „რეალის“ პრეზიდენტ ფლორენტინო პერესს უკვე დაეწმინდებთ?

— ვერჯერობით პრეზიდენტთან შეხვედრის საშუალება არ მომეცა, თუმცა მას დიდი სიამოვნებით ვახვავდი. მინდა, პერესს და მიველ გუნდს წარმატებები ვუსურვო.

— „რეალის“ ახალ მწვრთნელ ლოპეს კაროსთან თუ ისაუბრეთ?

— მასაც ველაპარაკე და ჩემს ყოფილ შეგირდებსაც. ლოპეს კაროს ვუთხარი, კარგი იქნება, თუ „სამეფო გუნდში“ ჩემზე უკეთესი ბედი გექნებათ-მეთქი.

— გეტყობათ, მადრიდს განაწყენებული ტოვებთ...

— არა, რატომ? „რეალმა“ ევროპაში საქმიანობის პირველი შანსი მომცა და ბრაზილიის გარეთ ჩემი სამწვრთნელო კარიერაც მსოფლიოს საუკეთესო გუნდში განვაგრძე. ის კი ცუდია, „რეალს“ ვიღღოების გარეშე რომ ვტოვებ. თუმცა რა გაეწყობა, ფეხბურთში ასეც ხდება-ხოლმე. მინდოდა, წლეულს ესპანეთის ჩემპიონობა მომეგო, მაგრამ ახლა ამას „რეალი“ სხვისი თავკაცობით გააკეთებს. დარწმუნებული ვარ, უკვე მომავალი ტურიდან გუნდი აღმასვლას დაიწყებს.

— დაუშვებთ, გახდა „რეალი“ ჩემპიონი და თქვენაც კლუბის უფროსობამ ტიტულის აღსანიშნავად სიბელესის მოედანზე მიგიწვიათ, რას იზამთ?

— თუ ლეგენდარულ შადრევანთან მეც მიმიწვიეს, მივალ, რა თქმა უნდა.

— ახლა უმუშევარი ხართ და თავისუფალი დრო თავზესაყრელად გაქვთ. რას აკეთებდით?

— სახლში რემონტი გავაკეთე და ოჯახისთვის წვრილმანი ნივთები შევიძინე. სამომავლო კარიერაზეც ვფიქრობდი, ოღონდ სრულიად მშვიდად.

— თანამდებობის დატოვების შემდეგ პირველი დღე როგორი იყო?

— გამოგიტყდებოდა, ძალიან სკედანი, რადგანაც მწვრთნელობიდან მოხსნას ნაწვევი არ ვარ. ადრე ჩემს ყოფილ გუნდებში კრიზისის ერთად ვბლევდით-ხოლმე ამიტომაც გამიკვირდა, თანამდებობა რომ დამატოვებინეს.

ვანდერლავი ლუშემბურგო არიგო საკის რჩევას ეკითხებოდა

ვანდერლავი ლუშემბურგო: რობინიოს დაუყოვნებლივ დააბრუნებდი სამშობლოში











ევა ბერგერი და გია ნაცვლიშვილი



ევა ბერგერი და შენგელი ფიცხელაური ხელშეკრულების გაფორმებისას

# ძიუდოსტებს ფრენა გაუიოლეს

სამართველოს ძიუდოს ფედერაციას 2006 წელს „ავსტრიის ავიანაზები“ უსპონსორებს. ორშრივი ხელშეკრულება გუშინ საგარეჯოში, ძიუდოს კლუბ „საგარეჯოს“ კოხტა დარბაზში გაფორმდა, ძიუდოს ფედერაციის ვიცე-პრეზიდენტ შენგელი ფიცხელაურსა და „ავსტრიის ავიანაზების“ გენერალურ მენეჯერ ევა ბერგერს შორის. კონტრაქტის გაფორმებას საქარ-

თველოს ნაკრების სპორტსმენთაგან ზურაბ ზვიადური და ნესტორ ხერგიანი დაესწრნენ. ოლიმპიური ჩემპიონი ტატამთანაც მივიდა და მოვარჯიშე საგარეჯოელ ბავშვებს ეშმაკურ ფანდებს ასწავლიდა, რითაც შეკრებილები გვარიანად ახალისა. „ჩვენ სპორტი გვიყვარს და ძიუ-

დომდე ჩოგბურთის ფედერაციასთანაც თბილი ურთიერთობა გვქონდა — გვითხრა ევა ბერგერმა ოფიციალურ დოკუმენტზე ხელის მოწერის შემდეგ — მშვენივრად ვიცი, თუ რას ნიშნავს ქართველი ხალხისთვის სპორტის ეს სახეობა. ათენის ოლიმპიურ თამაშებზე ზვიადურის

გამარჯვებით, მგონი, თქვენზე მეტად გავიხარეთ. ასეთი ხალხის გვერდით დადგომა ჩვენთვის დიდი პატივია“. როგორც შენგელი ფიცხელაურმა გვითხრა, ქართველი სპორტსმენებისთვის ამიერიდან 20 პროცენტია შეღავათი წესდება. შესაბამისად,

მეტ ნიჭიერ ახალგაზრდას მიეცემა უცხოეთში თავის გამოჩენის და გამოცდილების მიღების საშუალებად — დაამატა „საგარეჯოს“ პრეზიდენტმა და ძიუდოს ფედერაციის ვიცე-პრეზიდენტმა გია ნაცვლიშვილმა. კონტრაქტი კი ერთწლიანი მხოლოდ პირობითად ყოფილა. ორივე მხარემ დაადასტურა, რომ იგი გაცილებით ხანგრძლივი იქნება. **ოთარ მალაქაძე**



ძიუდოს კლუბ „საგარეჯოს“ დარბაზი



ოლიმპიური ჩემპიონი შოთა ხაბარელი საგარეჯოელ ძიუდოსტებთან



ზურაბ ზვიადური საგარეჯოელ ბავშვებს ეშმაკურ ფანდებს ასწავლიდა





# მეხუთე ფრანკოფონური

ნიგერის ქვეყანაში მეხუთე ფრანკოფონური, ანუ ფრანგულად მოლაპარაკე ქვეყნების თამაშები მიმდინარეობს. ეს რაღაცა უცნაური ჭიდაობა აფრიკულია და ნიგერიელივე დას ლელე (მარჯვნივ) კონკრეტულ ნდილუ დორბას აყირავენს. ოღონდაც, აქ საქვეყნო სპორტებშიაც ეჯიბრებიან. სენეგალელი ფატუ ბინეტუ (მარცხნივ) ჩადელ ნადინა კალტუმას 400 მეტრზე რბენაში გამარჯვებას ულოცავს.



AFP ნიაბეიდან




ეროვნული გიგლირთიქა

# კალათბურთი ტოკიოში

მსოფლიოს ჩემპიონატი კალათბურთში ტოკიოში გაიმართება. ეს მოწყენილი ვოლიბათი სანრიო სწორედ რომ ამ ჩემპიონატის თილისმა იქნება. 24 მონაწილე ზაფხულში მთიყერის თავს იაპონიის დედაქალაქში.



AFP ტოკიოდან



# გალუბი მზადაა

რუსეთის მოგრივე ნიკოლაი ვალუევი ბოლო დროს ისე წამოიქანა, რომ საჩემპიონო ბრძოლასაც გამოტყრა ხელი. ამ შაბათს ის ამერიკულ ჩემპიონ ჯონი რუისს უნდა შეხვდეს ასოციაციის (ეზა) ჩამონათვის. მანამდე კი ვალუევს საჩვენებელი ვარჯიში აქვს ბერლინის „მაქს-შეილინგ-პალეში“.

AFP ბერლინიდან

**პოლტრაღი**  
სნობორდის დიდი პრიზი „შევრთლეს“ პატრონობით კოლორადოში თამაშდება. ეს რობ კინგველი ვახლავთ, რომელიც ჩიბუნა ტრასაზე ჩაუქობს.



AFP კოლორადოდან

**სარბიელი**  
საორტული გაზეთი  
გამოცემა 1990 წლის  
28 დეკემბრიდან  
გამოდის ორშაბათს,  
სამშაბათს, ოთხშაბათს,  
ხუთშაბათს,  
პარასკევს და შაბათს

გამომცემელი ზურაბ შოთსვერია  
დირექტორი ბიორბი ოქროშვილი  
რედაქტორი თამაზ შიშინაძე  
პასუხისმგებელი რედაქტორი ავთანდილ გურასაშვილი  
ტექნიკური რედაქტორი მამუკა შუბლაძე  
ქართული ფეხბურთის რედაქტორი: დავით თავართქილაძე,  
კობა ინასარიძე, ილია ნანობაშვილი, კახა შალამბერიძე  
უცხოური ფეხბურთის რედაქტორი: ვაო ახვლედიანი, ილია  
ბაბუნაშვილი, ვიორგი ღარჯანია, ვიორგი ვაშაკიძე, ვიორგი კაკაბაძე

სოსო კოტორიშვილი, ლადო ხომერიკი, ვაჟა ხუციშვილი  
ინფორმაციის რედაქტორი ვია ახლაძე, ოთარ მაღლაკლიძე,  
ირაკლი პერტაია  
ფოტორეპორტორები: გურამ დოლონჯაშვილი, ბადრი კეთილაძე  
სტილისტები: ნათელა გიორგობანი, ლალი გოზალიშვილი  
კომპიუტერული ცენტრი: ლეილა ბეგლაროვა, ლია ბესელია,  
ხათუნა ბუხუნიშვილი, თამაზ გოგუაშვილი, ფატი დვალისხელი,  
მაგდა დოვრაშვილი, რუსუდან ერისთავი, ზვიად მოსიაშვილი,  
თამარ ქინჭლაძე, ზურაბ წერეთელი

**რედაქციის მისამართი:**  
თბილისი, ალექსანდრე  
ყაზბაგის გამზირი 42, II  
კორპუსი, IV სართული.  
**საფოსტო მისამართი:**  
თბილისი — 79, საფოსტო  
ყუთი 208. ტელეფონი: 39 48 29  
ელექტრონული ფოსტა  
sarbieli@gol.ge  
ელექტრონული ვერსია  
<http://www.sarbieli.com.ge>

სარედაქციო სასახური: 38-11-14, 877 54 55 00